

Cucumber

Sik leh sa :

- Khawlum leh vawt lutuk a tuar theilo
- Vur tlaknaah a chin theih loh
- Ram lum (Tropical leh sub-tropical) ah an ching ber
- Ni sa leh khaw ro tha a mamawh
- Lum hnawng lutukah chuan rannung(fruitfly) leh natna a tam duh
- Khawlum lam 18^oC -24^oC ah a thang thain a thar hlawk ber

A chin hun: Green house hnuaiah chuan kum tluanin a chin theih

A inkar hlat zawng : 1m-1.5m a in hlatin an ching thin.

A kui dan :

- A chi chu 0.1% Bavistin ah darkar reilote chhung chiah tur
- Polythne bag ah an kui hmasa thin
- A hnah 2(2leaf stage) a nihin an phunsawn thin
- Furrow, bed leh pit method hmangin an ching thin
- Greenhouse ah chuan bed method an hmang ber
- Achinna hmunah chuan Carbaryl emaw fenvalerate thlem theh a tha.

Leitha pek :

- Bawngkek leitha 15-20 tones/ha pek tur
- NPK :: 100:50:50 , a lei that dan azirin pek tur.(217kg Urea, 83kg MOP, 312kg SSP / Ha)
- Nitrogen chanve leh a dang zawng hi leibuatsaih laia pek tur a ni.
- Nitrogen chanve dang leh erawh chu hlotlawh lai a pek leh tur.

Tuipek:

- Chin hma ni 2 vel ah a lei leihhuh tur.
- A lei khi khawpin tui a tlachham tur a ni lo.
- A tiah laiin lei a hnawng tawk reng tur a ni.
- Lei ro dan a zirin ni 4-5 danah tui pek tur.
- Tui pek lutuk leh ro lutuk a hlauhawm ve ve.
- Drip irrigation emaw pitcher irrigation emaw an hmang tlangpui.

A enkawl zui dan:

- A tir lamah fanghma hmun chu a hnim tur a ni lo.
- Nitrogen fertilizer chanve dang kha hlothlawh laiin pek tur.
- A zam hnuah hnim lianzual awm anih loh chuan thlawh loh a tha.
- A pengte (secondary shoot) te chu a mit 5 naah sihchhum vek a tha.
- Khawro lai a nih chuan leiah an zam tir thin, ruahtui tamna hmunah chuan a zamna siamsak tur a ni.
- fanghma hi thlai dang nen an chin pawlh vak ngailo.

A rah seng leh a seng hnu a enkawl dan:

- A par atanga kar 1 hnuah a ei tlak mai
- A hman dan tur a zirin a seng dan pawh a dang thin
- Salad atan chuan a hring –dum tha hlarh mai an thlang thin, a engine a kap tur a nilo
- Ni 2 danah a rah lawh thin tur
- A par atanga ni 25-30 hnuah a rah a chan